



Indgået

8 FEB. 2018

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOKS 1601 3900 NUUK

Inatsisartunut ilaasortaq Aaja Chemnitz Larsen, Inuit Ataqtigiit

E-mailikkut nassiunneqarpoq uunga: inatsiartut@inatsisartut.gl

**Issittumi aningaasaateqarfimmumut aningaasaliisartumut tunngatillugu § 37
nr.029_2018 naapertorlugu apeqquteqaammumut akissuteqaat**

07-02-2018
Suliap nr. 2018 - 2886

Issittumi aningaasaateqarfimmik aningaasaliisartumik pilersitsinissamut Naalakkersuisut qanoq siunertaqarnerisut, Inatsisartut Suleriaasianni § 37 naapertorlugu Naalakkersuisunumut apeqquteqarputit. Apeqqutitit uannut akisassannorlugit innersunneqarput, taakkualu matuma ataaniipput.

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Apeqqut 1:

**Naalakkersuisut aningaasaateqarfimmik aningaasaliisartumik
pilersitsinissamik pilersaaruteqarpat?**

Akissut:

Nalunaarusiami ”Kalaallit Nunaata Danmarkillu akornanni niuernermi inuussutissarsiutitigut suleqatigiinnerup siuarsarnera” danskit naalakkersuisui Naalakkersuisullu akornanni ataatsimoorluni suliarineqartumi, inuussutissarsiornermut aningaasalersuinerimullu ataatsimoorluni suliniuteqarnissamut arlalinnik inassuteqaateqarpoq.

Ilaatigut tikkuarneqarpoq, inuussutissarsiutinik ineriartortitsinerup siuariartortitsinerullu tunngavissinnissaanut, qanoq iliorluni naleqqunnerusumik aningaasalersuinerimi aallerfiusartut pitsaanerusut pissarsiarineqarsinnaassanersut. Tamatuma kingorna inassuteqaatit taakkua tulleriissaartumik periaaseqarluni atuutsinneqalerput.

Periarfissat nutaat pisussallu akornanni taaneqarsinnaavoq Ineriartortitsinissamut aningaasaateqarfiup maannakkut Kalaallit Nunaanni ingerlatseqatigiiffinnut taarsigassarsititsisinnaalerneru il.il.

Den Europæiske Investeringsbank (EIB) Kalaallit Nunaanni suliassaqarfiit taarsigassarsititsivigisinnaasatik, annertusivaat. Assersuutigalugu attaveqarnermut suliniutit saniatigut aningaaserivik maannakkut aamma aatsitassarsiornermi suliniutinut taarsigassarsititsinissamik neqerooruteqartalerpoq.

Den Nordiske Investeringsbank (NIB) 500 mio. EUR-inik Issittumi taarsigassarsititsiviusussanik pilersitsivoq, taakkua sumiiffinni issittumiittuni

anigaasaliisarnernut ineriartortitseqataausaassallutik. Taarsigassarsititsinerit pingaartumik attaveqarnermut suliniutinut, piujuartitsiviusumik nukissiornermut suliniutinut assigisaannullu sammineqarput.

Tamatuma saniatigut Eksport Kredit Fonden Kalaallit Nunaanni suliffeqarfinnut qularnaveeqqusiissuteqarsinnaanerata qulakkeerreqarnissaa sulissutigineqarpoq.

Naalakkersuisut §37-mi apeqqut nr. 2016/234-mi akissutaanni Nunatsinni anigaasaliinissamik periarfissat pitsaanerulernissaannut suleqatiginneq naliliiffigineqareerpoq.

Taamaammatt Naalakkersuisut naliliipput, pitsaanerusunik arlalinnik anigaasalersuinissamut periarfissaqalersitsisoqareersoq. Naalakkersuisut nutaamik anigaasaateqarfimmik pilersitsinissamik pilersaaruteqanngillat.

Apeqqu 1.a:

Taamaappat, anigaasaateqarfimmi taamaattumi suna siunertarineqassava?

Akissut 1.a:

Taaneqareersutut anigaasaateqarfiit anigaasalersuisartut avataaneersut arlallit suleqatigineqarnissaat qulakkeerniarlugu Naalakkersuisut ingerlaavartumik sulissutiginnipput, soorlu: Ineriartortitsinissamut anigaasaateqarfik, Eksport Kredit Fonden, EIB aamma NIB. Taamaaliornermi siunnerfigineqarpoq inuussutissarsiornerup ineriartortinneqarneranut siuariartortinneqarneranullu tunngavissiinissaq

Apeqqu 1.b:

Taamaangippat, Inatsisartut amerlanerussuteqarluartut anigaasaliisarnernut periarfissat annertusarneqarnissaannik kissaataat qanoq ililluni naammassineqassava?

Akissut:

Apeqqutinut 1.a.-imut aamma 1.b.-imut akissuteqaatit innersuussutigineqarput

Apeqqu 2:

Naalakkersuisut qallunaat naalakkersuisuinik nunani allani anigaasalersuiffigineqarnissamik periarfissanik qulaajaanissaq pillugu oqaloqatiginnippat, tassani issittumi anigaasaliisarnermi sakkussamut periarfissaq ilanngullugu?

Akissut:

Apeqquutinut 1.a.-imut aamma 1.b.-imut akissuteqaatit innersuussutigineqarput

Apeqquut 3:

Inuussutissarsiornermi sukarsuaq sorleq nunanit allanit aningaasaliivigineqarnarnissamut pisariaqartitsinerpaava, Naalackersuisullu tassunga aningaasaliinissat pilerinarnerulersinniarlugit qanoq iliuuseqarpat?


Naalackersuisut isumaqarput inuussutissarsiornermi sukani arlalinni nunani tamalaani aningaasaliinissaq pisariaqartartoq. Tamanna attaveqarnermut, aatsitassarsiorfimmik ingerlatsinermut, suliffissuarnut nukissiuutinik annertuumik atuisunut il.il. atuuppoq.

Apeqquut 4:

Aningaasaqarnerup imminut napatittup siuarsarnissaanut avataanit aningaasaliinissamik pilerilersitsinissaq pisariaqartoq Naalackersuisut isumaqarpat?

Naalackersuisut isumaqarput Kalaallit Nunaat, nunat allat tamaasa assigalugit, nunanit allanit aningaasaliiumalersitsinermik iluaquteqarsinnaasut.

Inussiarnersumik inuulluaqqusillunga


Hans Enoksen